

筆

花

醫

鏡

序

天下之至變者病也天下之至精者醫也欲極其精以窮其變雖千萬言不足以發明其緒是以岐雷貸季而後名家輩出議論紛如而合諸病情變幻有難以按圖而索驥者時何人斯而敢以一二淺言謂足以罄乃事乎然至變者病而可見者恃乎形至精者醫而可據者恃乎理以形求理即以簡馭繁達乎此通乎彼固有千萬言所不能盡而一二語足以賅之矣暇自中歲究心醫學往來於江浙之間深知其難亦不敢自安於拙追服官東粵學漸荒蕪而習見此

邦醫士如文家相題布局理法未清其何以司活人之柄耶病家固不甚講求但以神鬼為福即偶延醫診而默受其誤者亦終莫之知是哉不服藥為良矣可慨也夫暇久思引救礙於官箴茲將引退還山略舉其要鑄為一編俾人人得有簡要之方偶遇一症自可按對病情審為何臟何腑是陰是陽不平乎表裏虛實寒熱之真即知為心肝脾胃肺腎之疾症既洞澈藥自效靈較諸授命於醫以身為鵠者其損益可昭然判也誠願有志者熟玩是編據為要領而旁參諸大家之說自可一覽了然將近以事親遠以濟

衆於生靈不無稍補焉是為序

道光四年孟夏之月上澣浙江歸安江涵敬自序

救痧有十法

一在頭頂心百會穴 一在印堂 一在兩太陽穴

一在喉中兩旁 一在舌下兩旁 一在雙乳

一在兩手十指頭 一在兩臂內灣 一在兩足十指頭

一在兩腿灣 凡痧有青筋此必助現於一處或

現於處必須用銀針刺之先毒其毒也但後援用藥
其脾肝腎腸胃經絡用藥

治痧為急經絡

腰背筋脈連風府脹痛難忍是太陽膀胱經之痧也而
目紅赤唇乾鼻燥腹中絞痛是陽明胃經之痧也腹
脹板痛不舒是脾經之痧也

脇肋痛脹痛連兩耳是少陽胆經之病也。心膈不痛。身
 雖重而肢體作脹。是厥陰肝經之病也。痛連腰腎。小腸脹硬。是
 少陰腎經之病也。咳嗽聲啞。天逆。黃喉。舌赤。陰肺經之
 病也。半身疼痛。麻木不仁。左足不仁。屈伸者。手太陽小腸經
 之病也。半身脹痛。俯仰不得。屈伸者。手陽明
 大腸經之病也。病重。口苦。味不香。或乾言。口淡。不香。身
 手少陽心經之病也。或醒或睡。或味或酸。或苦。或甘。或辛。或
 之。病也。胸腹熱脹。揚去衣被。或喘急。或短。或手少陽三焦之病
 也。之。病也。病往。相見。而後。但。者。音。者。病。並。腎。難。症
 惟。病。前。產。後。者。病。者。主。重。虛。以。美。胎。前。宜。補。病。后。宜。清。產
 後。宜。溫。病。后。宜。涼。也。故。用。甘。辛。溫。藥。其。的
 病。前。忌。熱。湯。熱。內。形。陽。果。食。該。物。以。以。事。宜。忌。忌。現。口。久。多。舌。奇
 在。難。醫。病。後。不可。驟。進。飲食。必。時。二。三。日。則。病。除。各。症。症
 病。脹。心。症。胸。中。高。起。如。鼓。鼓。皆。是。一。五。痛。痛。有。五。互。脹。腰。腎。一。五。痛
 心。胸。左。右。一。五。痛。胸。脇。痛。口。肢。腫。痛。鼻。如。煙。煙。香。撲。鼻。不。信
 口。口。重。重。一。五。汗。如。珠。喘。而。不。休。昏。迷。不。醒。教。之。妙。不。出。一。妙。現。大。痛

華花醫鏡

浙江歸安江慎明華花老

河南睢陽劉寅齋全校

目錄

卷之一

診脈歌

望舌色

望聞問切論

表裏虛實寒熱辨

內傷外感雜治兼

傷寒證治

虛勞論治

疫痢瘧腫論治

卷之二

心部

脾部

腎部

膀胱部

大腸部

三焦部

卷之三

兒科證治

卷之四

女科證治

肝部

肺部

胃部

膽部

小腸部

心包絡部

筆花醫鏡各症總目

此集醫方極爲簡當。惟以臟腑十二經分部祇就
病在本經者言之。然有同一病而各屬一經。可有
兼入數經者。必須察考互校。對症醫治。庶方藥不
致誤施。茲將各症依類開列。註明某病隸某部。俾
臨時便於查閱。集內所無之症不載。

口
上
部

頭	頭	頭	頭
汗	汗	汗	汗
肝	肝	肝	肝
實	實	實	實
又	又	又	又
肝	肝	肝	肝
無	無	無	無
火	火	火	火
又	又	又	又
肺	肺	肺	肺
表	表	表	表
邪	邪	邪	邪
惡	惡	惡	惡
寒	寒	寒	寒
又	又	又	又
腎	腎	腎	腎
虛	虛	虛	虛
血	血	血	血
又	又	又	又
胃	胃	胃	胃
熱	熱	熱	熱
又	又	又	又
脾	脾	脾	脾
熱	熱	熱	熱
固	固	固	固

目痛心熱赤目乾肝虛水目赤腫痛肝熱目赤腫痛久升眉稜骨

無光腎虛水目赤腫痛屈火目胞腫痛久升眉稜骨

眼腫痛肝則虛見又目痛表鼻塞噴嚏肺表鼻燥邪火

乾涕肺寒鼻衄肺熱血鼻赤鼻瘡肺熱因鼻乾表

口渴肝虛消渴肝苦傷熱又汗池熱以燥咽乾水渴

流涎肝熱睡唇焦胃表舌黑燥渴胃熱舌苦骨重

舌木舌心熱齒痛胃熱面黃脾寒現面色痿白正氣

黃胖面腫有濕又浮腫而痛胃表耳鳴腎虛耳聾

故又肝實火時耳肝熱風癢癢用喉痛肺表邪咽痛

肺實又通咽逆咳痰有聲嗽肺表有咳嗽木又

大肺又通咽逆咳痰有聲嗽肺表有咳嗽木又

● 中部

Abstract

煩
飲食化痰
脾虛土

心痛
心虛又血痛
中實血凝於氣滯心實煩氣上衝

心
停飲
心實乾嘔吐
蟲齒心痛而白唇紅
暴痛肢冷

寒
胸滿
膈實邪結胸
胃實傷寒
早癒胸脹肺熱而胸痛嘔

腹
生腹
肝虛血又膽又肝熱
左脇痛
肝實氣右脇痛實肺

肝
移
積聚
肝實左脇痛
火鬱

邪也
腰
痛
腎虛水又小腸
積

胃
脘
痛
胃虛心又冷
綿綿不休

胃
脘
痛
胃虛心又冷
綿綿不休

胃
脘
痛
胃虛心又冷
綿綿不休

噎膈 胃虛上脘枯槁食可入而久復出

腹痛 肝實木又脾虛又有滯也又脾寒綿停滯胃虛積

滯不消 脾虛不能食脾實食又不胃虛不欲飲食力微也

氣積 脾實氣血積脾實蓄血刺食積胃實脹又堅滯

張痞積 脾實血滯痞氣胃實脾蟲積脾實濕熱所化鼓脹脾

中空 盤脹脾實中脘悶積滯脹痛胃實小便痛瘕瘕

之氣 又肝寒氣奔豚上至心下

腸風 大腸熱下血腸癰大腸實當臍而腸血能結血

交腸 陰陽逆大小腸氣焦腸下轉痛下胞痺

一 勝便積毒大腸實腸胃不清

下部

遺精心虛腎精滑精少煩悶不赤濁心勞淋膀胱虛

苦氣虛而老淋精不出而內思心氣淋膀胱氣血

不化也膀胱實血瘕冷淋塞木以閉膏淋液如石

淋中判痛難忍

淋如沙石下疝氣肝實氣結疝氣結囊縮寒肝又無舌卷偏墜肝

疝氣肝實氣結

小便不禁肝熱陰又腎虛氣大膀胱虛示小便不利

肺熱火鏹金又腎小便不通熱淋赤短不能勝久

而化源宜也又腎小便不通熱淋赤短不能勝久

溺清溺短熱便濁尿血小便出血熱又便

膿血勝脫

脫肛脾虛氣又大腸又大腸熱

大便結液枯便秘熱又大便血冷熱又

熱口燥

泄瀉肝實木又脾虛土又脾泄

鳴泄寒白痢傷氣赤痢脾熱暑熱久痢虛

下又腎又大腸虛氣又痛綿綿

○ 雜症

驚悸心虛神又肝虛血又膽虛心不恒忡心虛氣

健忘心又腎不交

不得卧也虛思慮太又迫之也又胃實氣

太息

肺氣

發熱

肺表

又

膀胱

夜熱

腎虛

惡寒

脾虛

又

肺寒

惡寒

無汗

膀胱

表寒

畏風

表

邪在

寒熱往來

肝寒

又

膽表

已

瘧

腎

自汗

脾虛

又

肺虛

又

胃熱

盜汗

腎

又

膽熱

開

煩躁

心煩

躁

發熱

肝

癲狂

心

熱

又

膀胱

傷

寒下

焦蓄

白

謬語

心熱

又

肺表

煩渴

便閉

謬語

發狂

胃實

又燥糞大腸實

欬脫脾寒氣倦卧厥冷腎寒

虛勞肺虛吐痰陽腎虛陰命門火衰腎虛虛弱格脫

吐逆

三消胃熱結聚上消口渴中

身痛脾寒拘急為又肢拘急四肢痠脾肢痠脾肢冷

寒筋痠拘攣熱肢酸足軟虛

傷暑風頭表惡寒

中時疫胸膈初頭痛發熱漸嘔吐

嘔逆胃虛煩擾不已胃熱虛

霍亂

胃寒
濕所傷

黃疸

脾寒
有濕

疸

脾熱
酒為

黃疸

脾熱
皮面

發腫

皮不

亮

脾濕
腫

熱

胃水
腫

黃

發

斑疹
熱

例論

數頁書豈能療千萬病然有綱舉目張之法蓋病總由臟腑總不外虛實寒熱審知其為何臟何腑之虛症實症寒症熱症而聯其病類以集之則藥歸同路療一病可療千萬病亦無不可固不在多立病名多立方書也此所謂鏡也

凡人不願知醫者以卷帙浩繁見而生畏不知從何學起也茲由言其現何病象係何臟腑作何治法寥寥數語亦易知矣其一切經絡源委槩不縷叙避繁蹟也若欲究其全則自有諸名家書在

用藥如用兵須量其材力之大小蓋有一利即有一弊如大補大攻大寒大熱之品誤用即能殺人各卽後分爲猛將次將俾聞者不敢輕用卽用亦必斟酌分量庶知利害

人生一小天地病之輕者如日月之食不轉瞬自必回和斷不可輕易服藥恐益乎此則損乎彼也暇閱歷既久悉知其故寧受衆怨不輕徇情此事如老將臨陣大賁航海愈歷鍊而愈知畏耳

是書淺近說法別無精意不過願人人稍知醫理不爲庸醫所誤以延壽命且鄉僻間不及延醫者亦

可對症自醫取其便耳至醫家讀書少而閱歷淺者得此亦有頭緒稍知把握便可活人

是編大半採仲景東垣景岳鍾嶸諸家之說亦述而不作之意

凡古人立方常有精意然斷不可果用余嘗見淺醫未經開原遇暑倦輒用清暑益氣湯而不知黃芩芍藥遇熱喘輒用桂枝湯而不知五味子之斂平至暑熱伏留經絡林蕪而擗其可哀也他如六味地黃湯及麻黃湯桂枝湯等必須斟酌萬變而後或用次將之品代也否則一誤之下不可挽回歸

林古入市人集作變哉

筆花醫鏡卷之一

浙江歸安江涵敬筆花著

河南睢陽劉宜齋
謝菊坪全校

診脈歌

病人雙腕仰高骨定為關

依掌後之高寸脈量虎口

尺脈準臂彎

關前距虎口一寸故曰寸左寸心包絡

左關脈與肝左尺司何職膀胱腎係焉右寸胸中肺

胃脾屬右關要知大腸腎右尺自那然

口鼻一呼吸脈來四拜跳此是無病者平和氣血調

三至為遲候六至作數數遲則寒之象數則熱之標

一二寒愈盛七八熱更盛

輕舉得皮而裏氣未平者其病勝最重取須沉求
洪長微實健細弱微虛者不病非痰厥滑利又弦者
緊促氣內亂伏瀕氣絕則難轉中止代失血中寒抗
代脈中止抵此而動則其他病以論

望舌色

舌者心之苗凡病俱現於舌能辨其色症自顯然舌
尖主心舌中主脾胃舌邊主肝膽舌根主腎假如津
液如常口不燥渴或發熱而屬表症若舌苔粗白
漸厚而膩是寒邪入胃揀湯飲而欲化火也此時已

不辨滋味矣宜用半夏、藿香、追厚膩而轉黃色邪已
化火也用半夏、黃芩若熱甚失治則變黑胃火甚也
用石膏半夏或黑而燥裂則去半夏而純用石膏知
母、麥冬、花粉之屬以潤之至厚苔漸退而舌底紅色
者火灼水虧也用生地、沙參、麥冬、石斛以養之此表
邪之傳裏者也其有脾胃虛寒者則舌白無苔而潤
甚者連唇口面色俱痿白此或泄瀉或受濕脾無火
力連真氣聚木香、茯苓、炙甘草、黃大棗以振之
虛甚欲脫者加附子、肉桂若脾熱者舌中苔黃而燥
宜黃芩心熱者舌尖必赤甚者起芒刺宜黃連、麥冬

竹捲心肝熱者舌邊赤或芒刺宜柴胡黑山梔其舌
中苔厚而黃者胃微熱也用石斛知母花粉麥冬之
類若舌中苔厚而黑燥者胃大熱也必用石膏知母
如連牙牀唇口俱黑則胃將蒸爛矣非石膏三四兩
生大黃一兩加黨金汁人中黃鮮生地汁天冬麥冬
汁銀花露木剉之投不能數枚此唯時疫發痧及傷
寒症中多有之余嘗治一獨子先後用石膏至十四
片餘而症始退病始退此其中全恃纖力再有舌黑
而潤澤者此係腎虛宜六味地黃湯若滿舌紅紫色
而無苔者此名絳舌亦屬腎虛宜生地熟地天冬麥

冬等更有病後絳舌如鏡發亮而光或舌底隘乾而不飲冷此腎水虧極宜大劑六味地黃湯投之以救其津液方不枯涸

望聞問切論

望者看形色也聞者聽聲音也問者訪病情也切者診六脈也四事本不可缺一而唯望與問為最要何也蓋聞聲一道不過審其音之低響以定虛實嗽之聞爽以定升降其他則無可聞也切脈一道不過辨其浮沉以定表裏遲數以定寒熱強弱以定虛實其他則胸中不了指下難明且時大時小忽浮忽沉六

脈亦難定準。故醫家謂據脈定症。是欺人之論也。惟細問情由。則先知病之來歷。細問近狀。則又知病之淺深。而望其部位之色。望其唇舌之色。望其大小便之色。病情已得八九矣。而再切其脈。合講所問所望。果相符否。稍有疑義。則默思其故。兩兩相形。虛與實相形。寒與熱相形。表與裏相形。其中自有把握之處。即可定斷。慎斯術也。以往其無所失矣。

表裏虛實寒熱辨

凡人之病。不外乎陰陽。而陰陽之分。總不離乎表裏。虛實寒熱六字盡之。夫裏為陰。表為陽。虛為陰。實為

陽寒為陰熱為陽良醫之救人不過能辨此陰陽而已庸醫之殺人不過錯認此陰陽而已假如發熱惡寒鼻塞咳嗽頭痛脈浮舌無苔口不渴此病之在表者也如或潮熱惡熱口燥舌黃腹痛便澀脈沉此病之在裏者也假如氣短體弱多汗驚悸手按心腹四肢畏冷脈來無力此病之本虛者也若病中無汗或狂躁不臥腹脹拒按脈實有力此病之又實者也假如唇舌俱白口不渴喜飲熱湯身流清涕小便清大便溏手足冷脈遲此病之患寒者也若舌赤目紅口渴喜冷煩躁潮短便秘或唇燥舌乾此病之患熱者

也凡此皆陰陽之分也。至於邪盛正衰陰虛火亢等則又陰中之陽陽中之陰其間毫釐千里命在反掌辨之者要得而不愼

表治宜發散也如初感風寒發熱頭痛但用蘇梗

荆芥一錢防風一錢川芎一錢甘草五分生薑二錢以散

之頭痛甚加羌活六分如鼻塞或流清涕加半夏

扶苓陳皮各一錢如咳嗽則加桔梗七錢杏仁三錢

前胡錢之類一劑得汗而熱即退不必再服但

避風寒忌油膩未得汗則再劑而止若寒熱往

來欲作瘧狀宜用柴胡八分酒苓八分赤芍一錢製夏

一錢甘草五分大棗三枚生薑三片以和之虛者加防黨
二錢此其症在表切勿妄用枳壳神曲麥芽消導
之藥引邪入內

裏治宜歸經也有虛實有寒熱宜辨其病在何臟
腑而治之法詳臟腑門惟喜怒哀思悲恐驚謂
之七情此裏症之最難治者但覓其心而藥始
效否則無益也然症在於裏大忌發散散之則
虛者汗脫熱者煽熾醫家動輒用表可懼哉

虛治宜補也然有陰虛有陽虛血虛者為陰虛宜
補其血輕者用生地錢四首烏錢二歸身錢一
酒芍錢一

卷之五

五

黃蘗甲錢二 槽豆皮錢三 海參錢三 北沙參錢三 之類重

者用熟地錢五 枸杞錢三 五味錢七 芡肉錢一 兔絲錢一 以

填之氣虛者為陽虛宜補其氣輕者用黨參錢三

白朮錢二 山藥錢二 茯苓錢二 炙甘草錢六 紅棗錢六 生薑片一

之類重者用人參錢一 黃耆錢一 以振之氣欲脫則

并加附子錢二 乾薑錢二 以回陽若氣血兼虛則陰

陽並補八珍湯十全大補湯皆聖藥也

實治耳瀉也心有大邪肺有風寒脾有食積蟲痞

濕熱肝有鬱怒之氣脾胃包絡膀胱大小腸各

能受邪皆為實症治法詳各臟腑門然治實以

速為功。苟遷延日久，病未去而元氣虛，則難以消導矣。

寒治宜溫也。寒在表，則惡風寒，宜蘇葉錢、藿梗錢。

荆芥防風錢各、前胡錢、杏仁錢、生薑錢之屬，以散

其邪。甚則桂枝分五、麻黃分五、細辛分六。寒在裏，則薑

熱湯，宜製夏錢、藿香錢、焦木錢、製朴錢、吳茱萸

分八、焦穀芽錢、煨薑錢、砂仁分二之屬，以煖其中。甚

則附子分六、肉桂分六、乾薑分六。凡寒症，唇必白，脈

遲，便利腹或冷痛，一投寒涼，入口立脫，慎之。

熱治宜涼也。然熱症有實火，有虛火。實火之症，或

因外感或因內鬱所致宜分臟腑治之火之微者黑山梔錢二石斛錢三地骨皮錢二青蒿錢一丹皮錢一連翹錢一麥冬錢二花粉錢一銀花錢三竹葉錢五燈心錢一之屬甚者加黃連分七黃芩錢一或石膏錢四知母錢一極甚則用大黃錢五龍膽草分七等虛火之症或陽虛外熱口不渴唇不紅脈不數宜四君子湯以補其陽或陰虛內熱舌或絳頭或痛目或乾過午便熱宜四物湯六味地黃湯以補其陰內傷外感雜治說

前言表裏虛實寒熱六字病已盡在其中矣而表裏

之中又有內傷外感之治焉。內傷者裏症也。而有氣血痰鬱四字之分。外感者表症也。而有風寒暑濕燥火六字之別。再詳其治法。醫無餘蘊矣。

內傷一曰氣。氣虛者。四君子湯。若氣實而滯者。宜香蘇散。平胃散。二曰血。血虛者。四物湯。若血實而凝者。宜手拈散。三曰痰。痰輕者。二陳湯。六君子。若頑痰膠固。變生怪症。或停飲膈間。宜滾痰丸。小半夏。加茯苓湯之類。四曰鬱。凡喜怒憂思悲恐驚。皆能致鬱。鬱小者。越鞠丸。逍遙散。若五鬱互結。腹膨腫滿。二便不通。宜神佑丸。承氣湯。

之類此內傷之治也

外感一曰風真中風是也非表治中之偶感風寒也風有中腑中臟中血脈之殊中腑者與傷寒同太陽用加味香蘇散陽明用葛根湯少陽用小柴胡湯中臟者眩仆昏胃痰聲如鋸內有熱風寒風二種熱閉則先用搐鼻散次以牛黃丸灌之便結脹用三化湯冷脫則汗珠頭搖以附子理中湯急救之或三生飲中血脈者口眼歪斜半身不遂大秦芫湯加竹瀝薑汁勾藤以寒傷寒是也寒在表則與風之中腑治同寒入

裏用附子理中湯法詳傷寒論三曰暑暑輕者
但煩渴益元散足矣暑重者汗喘昏悶消暑丸
灌之寒包暑者頭痛惡寒而煩渴四味香薷飲
加荊芥秦艽若暑天受濕而霍亂藿香正氣散
主之更有乾霍亂症吐瀉不得俗名攪腸痧粥
飲入口即敗危症也陳香圓煎湯救之四曰濕
或受潮或食冷面黃身重平胃散治之若黃疸
則目溺色黃茵陳大黃湯茵陳五苓散茵陳萸
附湯若發腫五苓散五皮飲若滲入筋絡肩背
臂痛用秦艽天麻湯蠲痺湯五曰燥此症惟秋

冬時久晴有之而吃鴉片者更易犯其症鼻乾
口渴咽痛舌燥目火便閉乾熱不宜發表宜用
生地天冬麥冬花粉沙參元參歸身梨藕蔗汁
之類以潤之六曰火治法詳於前熱治中更審
其臟腑投涼則得矣然中寒則暴痛中濕則猝
悶中濕則痰塞中火則竅閉皆能猝然昏倒非
中風而似中風謂之類中勿誤作中風治此外
感之治也

傷寒論治

傷寒之症與春溫夏熱不同溫熱症頭痛發熱必不

惡寒而口渴，若傷寒則異，是其症由表而入裏。初起時邪在太陽膀胱經，則頭痛惡寒發熱脈浮，宜加味香蘇散。或桂枝湯、麻黃湯、柴葛解肌湯。繼傳陽明胃經，則目痛鼻乾唇焦不渴，宜葛根湯。再傳少陽膽經，則目眩耳聾胸滿脇痛口苦寒熱往來頭汗脈弦，宜小柴胡湯。此三陽傳經之表症也。失治則傳入三陰矣。其傳入太陰脾經者，則腹滿瀉下利脈沉，宜大柴胡湯。其傳入少陰腎經者，口燥咽乾痛利清水，目不明危矣。宜小承氣湯。大承氣湯至傳入厥陰肝經者，小腹滿舌捲囊縮，脈沉，用大承氣湯或有得生者，亦

有不傳三陰而傳入太陽脾腑者則口渴溺赤宜五苓散傳入陽明胃腑者則譫語狂亂燥渴便閉轉尖氣自汗不得眠宜白虎湯調胃承氣湯以上為傳經傷寒因寒化火也其有初起寒邪直中三陰者其症腹冷痛吐清沫利清穀踈臥肢冷囊縮吐虵舌黑而潤脈沉細此寒症也中太陰脾理中湯中少陰腎四逆湯中厥陰肝白通加猪膽汁湯急投勿緩此係醫中第一要症故專論之

虛勞論治

虛勞之症大症也固由真陰虧損虛火鑠余而然

其始大半由於外感感邪在肺則作咳嗽治失其宜則咳不已久咳則傷肺金金傷不能生水則腎水日枯腎火日熾上灼於肺再復嗜色慾受外邪以竭其水而虛勞成矣間有本元不足思慮太過而心血耗心火旺腎水乾肺金痿者其受病不同及其成功一也此等症多見吐血痰湧發熱夢遺經閉以及肺痿肺癰咽痛音啞側卧傳尸鬼注諸疾唯在屏棄一切不近女色調飲食慎風寒息與怒靜養二三年服藥可不服藥亦可自然生機徂轉復其天和非旦夕所能効也然既有症必有治列方備擇仍在其人之能

咳嗽初起用止嗽散加蘇梗以散之如或不已
變生虛熱者佐以團魚丸若病勢漸深更佐以
月華丸若吐血先用四生丸繼用生地黄湯逍
遙散之類元氣虛五味異功散如氣血虛而發
熱八珍湯人參養榮湯均可咽痛用百藥煎散
音啞用通音煎如遺精用秘精丸經閉澤蘭湯
至五臟虛損則補天大造丸用藥之法不遇如
斯而已此症什存一二其能存者皆自養之功
非藥力也

疫痢瘧腫治論

疫痢瘧三症最多、腫最難治、故合提而論、疫有由天
時者、有由人染者、由天時則邪從經絡入、爲頭痛發
熱、咳嗽、頸腫、發頤、大頭、天行之類、用香蘇散、普濟清
毒飲治之、由人染則邪從口鼻入、爲增寒壯熱、胸膈
滿悶、口吐黃涎之類、用神朮散、藿香正氣散治之、此
兩路之邪、若傳入臟腑、漸至譫語、腹脹、唇焦、口渴者、
宜治疫清涼散、承氣湯治之、總不越乎發散解穢清
中攻下四法而已、痢症則生死相關、良由夏秋之際、
暑熱在中而爲風寒、生冷所遏、火不得舒、迫而爲痢、

也。熱者爲赤，寒者爲白。熱傷血分者爲赤，熱傷氣分者爲白。初起時不宜妄攻，宜葛根治痢散以解之。餘邪未已，裏急後重，則用治痢奇方以清之。腹脹痛有堅積，則用朴黃丸下之。日久脾虛，五味異攻散加白芍、黃連、木香清補之。虛氣下陷者，補中益氣湯升提之。如邪穢寒胃嘔逆不食者，開噤散啓之。此一定之治法也。瘧則輕於痢矣。寒邪入內，陰陽相搏，初起寒熱往來，用香蘇散逐之，隨用小柴胡湯和之。三四發後，止瘧丹加白朮、仁醋炒鱉甲以截之。久瘧元虛，六君子湯加柴胡補之。中氣下陷，補中益氣湯舉之。此

易治也。唯腫脹一症，目胞與足先腫者，水也；先腹大，後四肢腫者，鼓脹也；鼓脹症用和中丸。虛者，白朮丸。水腫症，四肢腫而腹不腫者，表也；腹亦腫者，裏也。腰以上腫，邪在表也，宜汗；五皮飲加蘇葉、秦艽、防風、荊芥、腰以下腫，邪在裏也，宜利小便。五皮飲加赤小豆、赤苓、澤瀉、車前草、薢苳，防已。且煩渴、便閉者，陽水熱也；五皮飲加連翹、黃柏、黃芩，不煩渴者，陰水寒也。五皮飲加附子、乾薑、肉桂，先腫而後喘，或但腫而不喘者，胃經蓄水也；五皮飲照前加減治之。若先喘而後腫者，腎經聚水也。金匱腎氣丸治之。此症最難收功，慎。

勿誤治更有中風後熱傷經絡足不任地腿腫脹痛者此脈痿也用蒼朮黃柏芩連冬斛歸地苡膝寄生草薢丹參之類又有腫痛在脚名曰脚氣風濕勝也用栝榔防已秦艽天麻獨活牛膝桑枝木瓜之類

首卷列方

六味地黃湯 滋水制火專治血虛亦可為丸

大熟地錢四 山萸肉 山藥錢一 丹皮 茯苓

澤瀉各錢五分

八珍湯 治血氣並虛即四君四物相併

大熟地錢四 西黨參錢三 白朮 當歸錢二

茯苓錢二 白芍錢二 川芎錢一 炙甘草分五

加大棗二枚

十全大補湯 治陰陽並虛而畏冷即八珍湯加黃

耆錢二 肉桂分六

四君子湯 治氣虛脾胃不足之症

人參錢三 土炒白朮錢二 茯苓錢一 炙甘草分五

加生薑二片大棗五枚 古方用人參如無

力以西黨參代之

六君子湯 治氣虛挾痰即四君子湯加製半夏一錢

陳皮錢一

香砂六君子湯 治胃寒吐瀉即六君子湯加木香

錢一 砂仁粒二

五味異功散 治氣虛即四君子湯加陳皮錢一

四物湯 治血虛肝腎不足之症

大熟地錢四 歸身 白芍各二錢 川芎錢一

香蘇散 治時邪感冒頭痛發熱等症

蘇葉一錢五分 陳皮 香附各二錢 荆芥 秦艽

防風 蔓荊子各一錢 川芎五分 甘草七分

加生薑三片

平胃散 治脾胃不和脹滿嘔吐霍亂等症

藿香一錢 厚朴一錢 蒼朮八分 陳皮一錢

二陳湯 治肺胃寒痰

製半夏 陳皮 茯苓各二錢 炙甘草五分

加生薑一片棗二枚

手拈散 治血滯心腹作痛

元胡索醋炒 五靈脂醋炒 草果 沒藥各等分

右為細末每服三錢熱酒調下

滾痰丸 治老痰變生怪症

大黃 炒黃芩各四兩 青礞石 沉香各三錢

辰砂二錢

以水為丸辰砂為衣每服一二錢開水下

小半夏加茯苓湯 治飲停膈間加蒼朮更效

半夏薑炒 白茯苓錢三 炙甘草錢一 生薑片三

越鞠丸 治鬱膈痞滿

香附

山查

炒神曲

炒麥芽

川芎

蒼朮

炒梔子

各等分

右為末水調丸如桐子

大每服五七十九開水下

逍遙散

治肝經血虛木鬱

柴胡

甘草

茯苓

白朮

當歸

白芍

丹皮

黑山梔

各錢

薄荷

五錢

神佑丸

治沉積變病氣血壅滯濕熱風聚鬱結

黑丑

二兩

大黃

兩一

羌花

大戟

甘遂

各錢五

輕粉

右為末用皂角去子煎濃湯糊丸每

服必瀉勿可輕用

方

大承氣湯 治邪熱閉結或食積堅硬宜下之

大黃 三錢 枳實 五錢 厚朴 一錢 芒硝 三錢

小承氣湯 治症稍緩○即前大承氣湯去芒硝

治和傳陽明以此解肌

葛根 二錢 升麻 秦艽 荊芥 赤芍 各一錢

麻黃 白芷 各一分 甘草 五分 生薑 二片

小柴胡湯 治寒熱往來少陽瘧疾口苦耳聾胸滿

脇痛

柴胡 二錢 赤芍 一錢 甘草 半夏 各一錢

黃芩 一錢 人參 五分 生薑 二片 大棗 二枚

搐鼻散 治一切悶症不省人事吹入鼻中有嚏者

生

細辛

皂角

各一兩

生半夏

五錢

右為細末入磁瓶勿泄氣

牛黃丸 治中風痰火閉結或喘嗽痰壅不省人事

牛黃

射香

龍腦

以上各錢另研

羚羊

當歸

防風

黃芩

柴胡

白朮

麥冬

白芍

各七錢半

桔梗

茯苓

杏仁

川芎

大豆黃卷

阿膠

各半錢五分

蒲黃

人參

神曲

各一兩五分

雄黃

另研四錢

甘草

二兩錢

肉桂

肉桂

各三錢七分

乾薑一分

犀角一兩

山藥二兩

大棗五十枚

金箔一百五十片

右為細末煉蜜同東膏丸每

兩作十九金箔為衣

三化湯 治中風入臟熱極閉結

厚朴 木香 枳實 羌活各錢五 水煎服

附子理中湯 治臟寒將脫之症用以回陽

人參 白朮各錢二 附子 乾薑 炙甘草各錢

二生飲 治寒風中臟六脈沉細

生南星 生烏頭 生附子各錢五 生薑片五

生木香分五 此方用人參兩許同投更有益

大秦北湯 治風中經絡口眼歪斜等症

秦艽一錢 炙草 川芎 當歸 芍藥 生地

熟地 茯苓 羌活 獨活 白朮 防風

白芷 黃芩各八分 細辛二分 如陰雨加生薑

三片同煎

益元散 利竅消暑

甘草兩一 滑石兩木

消暑丸 治中暑昏悶

製半夏兩四 茯苓 甘草兩二

共為末生薑汁糊丸

四味香薷飲 治風寒閉暑之症

香薷 扁豆 厚朴各錢五分 炙甘草五

若兩脚轉筋加木瓜茯苓

藿香正氣丸 治暑天受濕霍亂

藿香 砂仁 厚朴 茯苓 紫蘇 陳皮各錢二分

白朮 製半夏 桔梗 白芷錢五分 炙甘草五分

茵陳大黃湯 治黃疸熱閉

茵陳錢三 梔子 大黃錢三

茵陳五苓散 治陰黃小便不利

茵陳 白朮 茯苓各錢一 猪苓 澤瀉各錢七分

薄桂分五

茵陳薑附湯

治陰黃小便自利

茵陳錢一

白朮錢二

附子

乾薑各五分

炙甘草錢一

肉桂分三

五苓散 治小便不通

茯苓錢三

猪苓

澤瀉各八分

白朮錢一 分五

桂枝錢一

四苓散 治伏暑小便不通 即五苓散去桂枝

五皮飲 治胃經蓄水發為水腫

大腹皮

茯苓皮

陳皮

桑白皮

各二錢五分

生薑皮分八

秦艽去麻湯

治寒濕入絡肩背臂痛

秦艽一錢

天麻

羌活

陳皮

當歸

川芎各一錢

炙甘草分五

生薑片三

炒桑枝錢三

扶寒加桂枝

獨痺湯

治風寒濕三氣成痺

羌活

獨活各一錢

桂心分五

秦艽錢一

當歸

桑枝各三錢

川芎分七

海風藤錢二

炙甘草分五

乳香

木香各八分

桂枝湯

治太陽中風寒

桂枝

芍藥

生薑

各二錢五分

甘草

炙二錢

大棗

四枚

麻黃湯

治太陽傷寒無汗此方宜於西北

麻黃

四錢

桂枝

二錢

甘草

炙二錢

杏仁

十二枚

柴葛解肌湯

治濕熱症發熱頭痛不惡寒與傷

寒異

柴胡

二錢五分

葛根

一錢五分

赤芍

知母

各一錢

貝母

一錢

生地

二錢

黃芩

丹皮

各一錢五分

甘草

五分

大柴胡湯

治傷寒邪入太陰

柴胡

一錢五分

半夏

七分

黃芩

芍藥

各二錢

枳實

一錢

大黃

二錢

白虎湯 治陽明胃腑大熱

生石膏錢五 知母錢二 甘草錢二 粳米撮一

若熱甚者倍之

調胃承氣湯 治胃熱譫語便閉繞臍硬痛

大黃錢三 芒硝錢二 甘草分五

四逆湯 治少陰中寒肢冷厥逆

附子錢五 乾薑錢五 炙甘草錢二

白通加猪膽汁湯 治陰盛隔陽熱藥不入

附子錢五 乾薑錢五 葱白錢二 人尿半杯

猪膽汁五匙

止嗽散

治一切咳嗽

桔梗

荊芥

紫苑

百部

白前

各二斤

甘草

炒十兩

陳皮

一斤

共為末每服三錢初感風寒生薑湯下

團魚湯

治久咳將成勞瘵

川貝

知母

前胡

柴胡

杏仁

各四錢

大團魚

一個重十二兩以上者去腸

右藥與魚同煮熟取肉連汁食之將藥渣焙

乾為末煮魚骨汁為丸如桐子大麥冬湯日

下三服

月華丸

滋陰保肺平肝為治勞之聖藥

天冬

麥冬

生地

熟地

山藥

百部

沙參

川貝

真阿膠

各兩

茯苓

獺肝

廣三七

各五錢

用白菊花二兩桑葉二兩熬膏將阿膠化入

和藥煉蜜為丸日三服每服一丸

四生丸

治熱血妄行而為吐衄

生地黃

生荷葉

生側柏葉

生艾葉

各等分

同搗極爛為丸如雞子大每服一丸水煎去

渣

生地黄湯 治腎火鑠金

生地黄錢三 牛膝 丹皮 黑山桅錢各一 丹参

元参 麥冬 白芍錢各一 鬱金 廣三七

荷葉錢各七 加陳墨汁清童便各半杯冲服

人參養榮湯 治氣虛榮衛不固

白芍錢二 人參 蜜炙黃耆 當歸 白朮

熟地錢各一 炙甘草 茯苓 遠志錢各一 北五味

桂心 陳皮錢各一 加薑一片棗二枚

百藥煎散 治咽痛

百藥煎錢五 硼砂錢一 甘草錢二

共為末米飲調下

通音煎 治音症

白蜜斤一 川貝兩二 欵冬花兩二 胡桃肉兩十二

皮研 右將川貝欵冬為末四味和勻飯上蒸

爛 熟水開服

秘精丸 理脾導濕治濁固精

白朮 山藥 茯苓 茯神 蓮子肉各三兩

芡實兩四 蓮花鬚 牡礪各兩五錢 黃栢錢五

車前子兩三 共為末金櫻膏為丸

澤蘭湯 治經閉調血脈

澤蘭錢二

柏子仁

當歸

白芍

熟地

牛膝

芫蔚子

各錢五分

補天大造丸

治五臟虛損

人參

二兩

蜜黃耆

蒸白朮

各三兩

炒枣仁

當歸

山藥

茯苓

各二兩五錢

枸杞子

大熟地

各四兩

河車具一

鹿角

一斤

龜板

八兩與鹿角共熬膏

以龜板鹿膠

和藥煉蜜為丸

普濟消毒飲

治大頭疫症喉風發癰等症

甘草

桔梗

酒芩

酒黃連

各錢

馬勃

元參

橘紅

柴胡

各五分

薄荷

六分

升麻

二分

連翹

牛蒡子

各八分

神木散

治時行不正之氣滿悶吐瀉發熱傷食

蒼朮

陳皮

厚朴

炙甘草

各十二兩

藿香

八兩

砂仁

四兩

共為末每服二三錢

治疫清涼散

治疫邪入裏脹悶譫狂諸症

秦艽

赤芍

知母

貝母

連翹

各一錢

荷葉

七分

丹參

五錢

柴胡

一錢五分

人中黃

二錢

葛根治痢散

治痢初起赤白皆效

葛根

一錢五分

酒炒苦參

八分

陳皮

一錢

赤芍

陳松蘿茶

炒麥芽

山楂

各錢二分

右為細末煎服有火者加川連五分

治痢奇方 治暑痢

川連六分 酒苓 厚朴 歸身 白芍各一錢五分

山查三錢 甘草五分 桃仁 青皮 紅花各八分

枳壳 地榆錢壹 檳榔一錢二分

如白痢加木香六分

朴黃丸 治堅積作痢腹痛拒按

陳皮 厚朴各十兩 大黃一斤四兩 廣木香四兩

荷葉水為丸

補中益氣湯 中氣下陷以此升之

黃耆一錢五分

牛炒白朮

人參 當歸

炙草

錢各一

柴胡

升麻各三分

陳皮五分

加生薑一片大棗二枚

開噤散

治噤口痢

人參

薑汁炒黃連各五分

石菖蒲七分 丹參二錢

石蓮子

茯苓

陳皮

冬瓜仁

去壳各一錢五分

陳米

撮一

荷葉蒂

二個

止瘡丹

治瘡二三發後以此止之

火酒炒常山

草果仁去壳

半夏薑炒

香附

米酒

青皮

醋炒各四兩

真六神曲十二兩為末用

米飲糊丸清晨面東服

和中丸 治腹股食積

土炒白朮

四兩

炒扁豆

三兩

煨苓

砂仁

各兩

半夏

一兩薑炒

麩炒枳實

炒神曲

炒麥芽

炒山查

薑汁炒香附

丹砂

酒蒸

陳皮

五穀蟲

炒焦黃色各三兩

右為末荷葉一枝煎水為丸

白朮丸 治氣虛中滿

白朮 茯苓

陳皮

砂仁

神曲

各二錢

五穀蟲

四兩 用荷葉老葉煎水為丸

金匱腎氣丸

治腎經聚水

此即六味丸加附桂

車前牛膝

大熱地

八兩

山藥

四兩

山萸肉

丹皮

澤瀉

車前子

牛膝

各二兩

茯苓

六兩

肉桂

一兩

附子

一兩

如水腫用五加皮八兩煎水煉蜜為

丸

筆花醫鏡卷之二

浙江歸安江涌敬筆花著

河南睢陽謝菊坪全校字

手少陰屬臟

心部

心體屬火位南方色現赤胸下岐骨陷處其部位也
凡額上手足心皆其所轄得血以養之方能運慧思
用才智

○心無表症皆屬於裏

○心之虛血不足也脈在寸必弱其症為驚悸為不

得卧為健忘為虛痛為怔忡為遺精

驚悸者惕惕然恐神失守也七福飲秘旨安神

丸主之

不得卧者思慮太過神不藏也歸脾湯安神定志

丸主之

健忘者心腎不交神明不充也歸脾湯十補丸主

之

虛痛者似饑似飢似手撫心喜得手按洋參麥冬

湯主之

怔忡者氣自下逆心悸不安歸脾湯主之

遺精者或有夢或無夢心腎不固也清心丸十

補丸主之

●心之實邪入之也心不受邪其受者胞絡耳脈左寸必弦而大其症為氣滯為血痛為停飲為痰迷為暑閉為蟲嚙

氣滯者或食脹或怒冲煩悶而痛沉香降氣散主之

血痛者血凝於中痛有定處轉側若刀針刺手拈散主之

停飲者乾嘔吐涎痛作水聲小半夏加茯苓湯

主之如有飲藥則加蒼朮名倒倉法

痰迷者頑痰壅閉不省人事清膈煎灌之

暑閉者汗喘昏悶先以消暑丸灌之再用香薷

飲加益元散

蟲嚙者飢時作痛面白唇紅化蟲丸主之

心之寒脈左寸必遲其症為暴痛

暴痛者肢冷氣冷縣縣不休薑附湯加肉桂主

之

心之熱火迫之也脈左寸必數舌尖赤其症為目
痛為重舌木舌為煩躁為不得卧為癲狂為謔語

為赤濁為尿血

目痛者赤腫羞明導赤散加連翹菊花蟬蛻主之

重舌木舌者瀉心丸主之

煩躁者瀉心丸加竹捲心主之

不得卧者暑熱乘心也導赤散加益元散主之

癲狂者棄衣罵詈生鐵落飲主之

譫語者邪熱攻心也瀉心丸主之

赤濁者草薢分清飲加燈心丹參主之

尿血者阿膠散主之

心部藥隊

補心猛將

北五味

補心次將

棗仁

柏子仁

遠志

丹參

龍眼

麥冬

當歸

白芍

茯神

瀉心猛將

石菖蒲

黃連

木通

硃砂

犀角

瀉心次將

山梔仁

連翹心

通草

車前子

竹捲心

燈心

蓮子心

心部列方

七福飲 治心血虛而驚悸者

人參 熟地 各三錢 當歸 棗仁 各二錢

白朮 炒一錢 炙甘草 一錢 遠志 五分

秘旨安神丸 治驚悸神魂失守者

人參 棗仁 茯神 製半夏 各二錢 當歸

炒白芍 橘紅 各一錢 五味子 十粒 炙草 五分

生薑 三片

歸脾湯 養血安神

人參 白朮 當歸 白芍 棗仁 各一錢

黃耆

錢半

遠志

七分

炙草

五分

元眼肉

五枚

安神定志丸

治心惕不卧

茯苓

茯神

人參

遠志

各一兩

石菖蒲

龍齒

各五錢

蜜為丸以辰砂為衣每服二錢

十補丸

治氣血大虧之症

黃耆

白朮

黃肉

杜仲

續斷

棗仁

各二兩

大熟地

三兩

人參

當歸

白芍

遠志

各一兩

茯苓

山藥

各一兩

北五味

龍骨

牡蠣

各七錢五分

洋參麥冬湯

治心經虛熱而痛者

洋參

麥冬

當歸各二錢

生地二錢

白芍

丹參

釵斛

各一錢五分

犀角

甘草各五分

清心丸

清心火止夢泄

生地兩四

丹參兩二

黃柏兩五

牡蠣

山藥

炒棗仁

茯苓

茯神

麥冬兩二

北五味

車前子

遠志

各兩

用金櫻膏為丸每服三錢

沉香降氣散

治氣滯心痛

沉香錢三

砂仁錢七

藁藥錢五

鹽水炒香附兩五

酒炒元胡索兩一

煨淨川辣子兩一

共納家每服二錢散盡湯

清酒煎 治痰氣心痛

製膽星錢一 白芥子錢二 海石錢三 陳皮

木通 川貝錢一

化毒丸 治諸種心腹諸痛

蘇黃 白蜜見錢各半 栝榔五分 雄黃一分

木香 白朮 陳皮錢各三 炒神曲錢四

以百部二兩熬膏糊丸每服一錢五分米飲

下

薑附湯 治寒厥心痛 又真心痛手足青至節宜

用本方大劑飲之或救十中之一二痛而喜按者
更加人參

乾薑 熟附子各三錢 水煎服

導赤散 治熱閉小便不通

麥冬三錢 木通一錢 生地三錢 甘草四分

竹葉十片 車前 赤茯苓各一錢五分

瀉心丸 治心火

川黃連五錢為末燈草湯下

生鐵落飲 治心熱癲癇

天冬 麥冬 川貝各三錢 膽星 橘紅各一錢

遠志 石菖蒲 連翹 扶苓 茯神各一錢

元參 鉤藤 丹參各一錢五分 辰砂三分

用生鐵落煎熬三柱線香取此水煎服

草薺分清飲 治心移熱膀胱而為赤濁者并治諸

淋

川草薺錢二 炒黃柏 石菖蒲各五分 茯苓

白朮各一錢 蓮子心七分 丹參 車前子各一錢五分

阿膠散 治尿血

阿膠錢一 丹參 生地各二錢 黑山梔 血餘

丹皮 麥冬 當歸各八分

手枯散

以下俱見
首卷方

小半夏

加茯苓湯

湯

消暑丸

香薷飲

益元散

肝部

足厥陰屬肝

肝與膽相附東方木也其性剛賴血以養自兩脇以下及小腹陰囊之地皆其部位最易動氣作痛其風又能上至巔頂而痛於頭色屬青常現於左顴目眦於婦人為尤甚

肝無表症皆屬於裏

肝之虛腎水不能涵木而血少也脈左關必弱或空大其症為脇痛為頭眩為目乾為眉稜骨眼眶痛為心悸為口渴為煩躁發熱

脇痛者血不營筋也四物湯主之
頭眩者血虛風動也逍遙散主之
目乾者水不養木也六味地黃丸主之
肩稜骨眼眶痛者肝血虛見光則痛逍遙散主
之

心悸者血少而虛火煽也七福飲主之

口渴者血虛液燥也甘露飲主之

煩躁發熱者虛火亢也六味地黃丸主之

肝之實氣與內風充之也脈左關必弦而洪其症
為左脇痛為頭痛為腹痛小腹痛為積聚為疝氣

為咳、嗽為泄瀉、為嘔吐、為呃逆。

左脇痛、肝氣不和也。柴胡疎肝散、瓜蒌散並主之。

頭痛者、風熱也。清空膏主之。或柴胡疎肝散。

腹痛者、肝木乘脾也。芍藥甘草湯主之。

小腹痛者、癥瘕之氣聚也。奔豚丸主之。有熱者

去附桂。

積聚者、肝積在左脇下、名曰肥氣。和中丸加柴

胡、鼈甲、青皮、莪朮主之。

疝氣者、氣結聚於下也。橘核丸主之。寒則加吳

茱萸肉桂

咳嗽者木火刑金也止嗽散加柴胡枳殼赤芍

主之

泄瀉者木旺剋土也四君子湯加柴胡木香主之

嘔吐者水火凌胃也二陳湯加炒黃連主之

呃逆者氣鬱火衝也橘皮竹茹湯主之

肝寒之症脈左關必沉遲其症為小腹痛為疝瘕為囊縮為寒熱往來

小腹痛者寒結下焦也煖肝煎奔豚丸主之

疝瘕者寒氣結聚也橘核丸加吳茱萸肉桂主之

囊縮者寒主斂故縮也奔豚丸四逆湯主之
寒熱往來者欲化瘧也小柴胡湯主之

肝熱之症脈左關必弦數其症為眩暈為目赤腫
痛為口苦為消渴為頭痛為脇痛為癰瘰為疔瘡
為筋痿拘攣為氣上衝心為偏墜為舌捲囊縮為
小便不禁

眩暈者風熱上升也逍遙散主之

目赤腫痛者風熱入目也蟬花無比散主之

口苦者膽味苦肝熱膽亦熱也小柴胡湯主之
消渴者風燥其液也一柴胡飲主之

頭痛者火上衝也柴苓煎主之

脇痛者肝火鬱也柴胡疎肝散加瓜蒌霜主之
在金丹亦可

瘰癧者血燥筋急而生也消瘰丸主之兼服逍
遙散

聾耳者風熱相搏津液凝聚而癢痛也逍遙散
去白朮加荷葉木耳貝母香附菖蒲主之

筋痿拘攣者血氣熱也五癭湯加黃芩丹皮牛

膝主之

氣上衝心者火逆也柴苓煎主之甚則小承氣湯

偏墜者熱而罌丸舒縱也柴胡疎肝散主之
舌捲囊縮者邪入厥陰血涸也大承氣湯主之
小便不禁者肝氣熱陰挺失職也逍遙散主之

肝部藥隊

補肝猛將 枸杞 北五味 烏梅

補肝次將 山茱萸 兔絲子 首烏 當歸

沙苑蒺藜 白芍 鱉甲 龍骨

牡蠣 木瓜

瀉肝猛將 鬱金 桃仁 青皮 莪朮 沉香

瀉肝次將 香附 木香 延胡索 柴胡 山梔

川芎 川棟子 赤芍藥 瓜蒌壳

白蒺藜 陳佛手 勾藤

涼肝猛將 龍膽 胡黃連

涼肝次將 羚羊角 夏枯草 石決明 青蒿

菊花

溫肝猛將 肉桂 桂枝 吳茱萸 細辛 胡椒

骨碎補

溫肝次將

兔絲子

艾葉

山茱萸

茴香

肝部列方

甘露飲 治血虛胃熱

枇杷葉 生地 熟地 天冬 麥冬 黃芩

石斛錢各一 甘草分五 枳壳分八

柴胡疎肝散 治肝氣左脇痛

柴胡 陳皮各一錢二分 川芎 赤芍 枳壳

醋炒香附錢各一 炙草分五

瓜蒌散 治肝氣燥急而脇痛

大瓜蒌皮一枚連 甘草錢二 紅花分七 水煎服

清空膏 治肝經風熱久升為頭痛

羌活 防風 各六分

柴胡 五分

黃芩 一錢二分

川芎 四分

炙草 一錢

薄荷 三分

酒炒黃連 六分

芍藥甘草湯

治木侮土而腹痛

酒炒白芍 三錢

炙甘草 一錢五分

奔豚丸 治小腹氣結作痛

川楝子 一兩

茯苓

橘核

各一兩

肉桂

三錢

附子

吳茱萸

各五錢

荔枝核

八錢

小茴香

木香 各七錢

橘核丸

通治七疝

鹽酒炒橘核 二兩

小茴香

川楝子

桃仁

醋炒香附 山查各一兩 木香 紅花各五錢

以神曲三兩打糊為丸

二陳湯 治胃經寒痰

半夏 茯苓 陳皮各一錢 炙草五分 生薑三片

大棗二枚

橘皮竹茹湯 治氣鬱火衝呃逆

陳皮二錢 竹茹一團 半夏 人參 甘草各一錢

煖肝煎 治肝腎陰寒小腹疼痛疝氣

當歸 枸杞各三錢 茯苓 小茴香 烏藥各三錢

肉桂 沉香各一錢 加薑三片

蟬花無比散

治目赤腫痛

蟬蛻二兩

羌活一兩

川芎

石決明

防風

茯苓

赤芍

各一兩

白蒺藜

八兩

炙甘草

當歸

各三兩

米泔浸蒼木

一兩

為末開水服

一柴胡飲

治外有邪而內有火及肝燥胃渴

生地

三錢

白芍

二錢

黃芩

一錢

柴胡

陳皮

炙甘草

五分

柴胡黃芩煎

治內火上衝或為痢瘧頭痛諸症

柴胡

二錢

黃芩

梔子

澤瀉

各一錢

木通

枳殼

各一錢

左金丸 治肝氣痛

川黃連錢一 吳茱萸分六

消瘰丸 治瘰癧初起即散久服亦消

蒸元參 醋煨牡蠣 蒸川貝母各四兩

蜜為丸每服三錢

五痿湯 治五臟受熱而痿

人參 白朮 茯苓各錢一 炙草分四 當歸錢二

苡仁錢三 麥冬錢二 黃柏 知母各五分

四物湯以下俱見首卷方

逍遙散

六味地黃湯

和中丸

止嗽散

四君子湯

小柴胡湯

四逆湯

大承氣湯

小福飲見心部方

脾部

足太陰屬臟

脾屬土中央黃色後天之本也下受命門之火以蒸化穀食上輸穀食之液以灌溉臟腑故人生存活之原獨脾土之功為最大然其性喜燥而惡濕一受濕漬則土力衰而肝木即乘以侮之位中焦眼胞鼻準及四肢皆其分野與胃相表裏故其藥略同

○脾無表症皆屬於裏

○脾虛者右關脈必細軟其症為嘔吐為泄瀉為久痢為腹痛為肢軟為面黃為發腫為肌瘦為鼓脹

為惡寒為自汗為喘為積滯不消為飲食化痰為
脫肛為腸血

嘔吐者中空也六君子湯加煨薑主之

泄瀉者土不勝濕也五味異功散加木香主之

久痢者氣虛下陷也補中益氣湯主之

腹痛者肝木乘脾也芍藥甘草湯加木香主之

肢軟者脾屬四肢也五味異功散主之

面黃者本色虛現也六君子湯主之

發腫者皮不亮手按成窟補中益氣湯去升麻

柴胡主之

肌瘦者脾主肌肉也十全大補湯主之

鼓脹者中空無物氣虛也六君子湯主之

惡寒者陽虛不達於表也附子理中湯主之

自汗者脾主肌肉表虛不攝也五味異功散加

黃耆五味主之

喘者土不生金也五味異功散加北五味牛膝

主之

積滯不消者化穀無力也六君子湯加穀芽砂

仁肉桂主之

飲食化痰者土不勝濕也六君子湯主之

脫肛者氣虛下陷也補中益氣湯主之

腸血者脾不統血也歸芍六君子湯主之

脾實者右關必洪實其症為氣積為血積為食積

為痞積為蟲積為痰飲為蠱脹為腹痛為不能食

氣積者氣鬱發悶也沉香降氣丸主之

血積者蓄血作痛如刺有定處也澤蘭湯主之

食積者堅滯脹滿也大和中飲主之

痞積者血滯成痞或痼疾痲痺可按也太無神功

散和中丸主之

蟲積者濕熱所化也唇內有白點化蟲丸主之

痰飲者或停心下伏兩腋有聲咳則痛小半夏
加茯苓湯主之

蠱脹者中實有物非蟲即血也和中丸主之
腹痛者中有滯也香砂二陳湯和查茅厚朴主
之

不能食者食未消也保和丸主之

脾寒之症右關必沉遲唇舌必白其症為嘔吐為
泄瀉為白痢為腹痛為身痛為黃疸為濕腫為肢
冷為厥脫

嘔吐者食不消而反胃也平胃散主之

泄瀉者土失職也六君子湯加泡薑主之

白痢者積寒傷氣也六君子湯加木香主之

腹痛者絛絛不減香砂理中湯主之如挾食拒

按木香丸

身痛者拘急為風重墜為濕風用香蘇散濕用

蒼朮二陳湯

黃疸者土為濕制有陰寒之象薰黃色黯茵陳

五苓散

濕腫者不煩渴喜熱五苓散主之

肢冷者陽氣不營於四肢也附子理中湯主之

厥脫者氣衰火息也附子理中湯加大劑人參主之

脾熱之症右關必數舌苔薄而黃唇赤其症為熱吐為流涎為洞泄為瀉痢為赤痢為腹痛為目胞腫痛為酒疸為眩暈為陽黃疸

熱吐者食不得入也橘皮竹茹湯加薑汁炒黃連主之

流涎者睡中出沫脾熱蒸濕也黃芩芍藥湯主之

洞泄者暑濕勝土一泄如注也四苓散加益元

散主之

瀉渤者暑濕內搏利如蟹渤將變痢也黃芩芍藥湯主之

赤痢者暑熱傷血也治痢奇方主之或葛根治痢散噤則開噤散

腹痛者乍作乍止芍藥甘草湯加黃連清之月胞腫痛者火上升也柴芩煎主之

酒疸者酒濕積而為疸也加味枳朮湯加茵陳葛根主之

眩暈者酒濕生熱上蒸也葛花清脾湯主之

陽黃疸者黃如橘皮有光目溺皆黃梔子蘘皮
湯主之如便閉茵陳大黃湯

脾部藥隊

補脾猛將 白朮 黃精

補脾次將 山藥 扁豆 苡仁 大棗 炙甘草

瀉脾猛將 枳實 萊菔子

瀉脾次將 神曲 麥芽 山楂 枳壳 厚朴

大腹皮 使君子 白芷 雞內金

陳皮 檳榔

涼脾猛將 大黃 黃芩 瓜蒌霜

溫脾散

黃柏

山梔

知母

銀花

武夷茶

溫脾散

附子

荳蔻

巴戟

肉荳蔻

草果

蒼朮

胡椒

溫脾散

木香

檳榔

烏藥

藿香

益智仁

砂仁

白蔻仁

燕窩

焦穀芽

川椒

脾部列方

歸芍六君子湯 治脾陰虛弱下血

歸身

白芍 各二錢

人參

白朮

茯苓 各一錢五分

陳皮

半夏 各一錢

炙草 五分

大和中飲

治食積脹悶

枳實

厚朴 各一錢五分

麥芽

查炭 各二錢

陳皮

砂仁 各一錢

澤瀉 一錢

太無神功散

治一切痞積

地扁蓄

瞿麥穗

麥芽 各五錢

神曲

五分 二錢

沉香

木香 各一錢五分

炙草 五錢

酒蒸大黃 二兩

共為末每服二三錢燈心竹葉湯下女人紅
花當歸湯下

香砂二陳湯 治脾滯腹痛

木香錢一 砂仁錢一 製半夏 陳皮 茯苓

炙草各錢五分 加生薑一片大棗二枚

蒼白二陳湯 治受濕身痛 即前方去木香砂仁

加蒼朮白朮各一錢

保和丸 治傷食

麥芽 山楂 萊菔子 厚朴 香附各一錢

炙草 連翹各五分 陳皮一錢五分 水煎服亦可

香附理中湯 治脾寒腹痛

木香錢一 砂仁錢一 人參 白朮錢各二 乾薑

炙草錢各一

木香丸 治寒積腹痛拒按名曰陰結

木香 丁香各一錢五分 乾薑錢三 炒麥芽錢五

陳皮錢三 巴豆粒三十

以神曲煮糊為丸每服十九

黃芩芍藥湯 治脾熱流涎利如蟹渤等症

黃芩 白芍錢各二 生甘草錢一

四苓散 治伏暑泄瀉

由朮 猪苓 木通各一錢 赤苓二錢 車前

澤瀉各二錢 水煎用益元散三錢冲服

加味枳米湯 治酒疸濕熱發黃

白朮二錢 枳實 陳皮 麥芽 山查 茯苓

神曲 連翹各一錢 茵陳 荷葉各一錢五分

澤瀉五分 和傷酒加葛根一錢

葛花清脾湯 治酒濕生熱生痰頭眩頭痛

葛花一錢 枳椇子三錢 赤苓三錢 澤瀉 茵陳

酒苓各二錢 山梔 車前子各一錢五分 甘草五分

橘紅 厚朴各一錢

梔子蘗皮湯

治鬱熱在裏而發黃疸名曰陽黃

梔子 錢三

黃柏 錢二 炙草 錢二

六君子湯

五味異功散

補中益氣湯

十全大補湯

附子理中湯

澤蘭湯

和中丸

小半夏加茯苓湯

平胃散

香蘇散

五苓散

茵陳五苓散

益元散

葛根湯

治痢奇方

開禁散

以上諸方俱見

沉香降氣丸

化毒丸

二方見心部

芍藥甘草湯

橘皮竹枳湯

柴苓煎

三方見肝部

肺部

手太陰屬臟

肺主氣屬西方而色白其形如華蓋為諸陽之首凡聲之出入氣之呼吸自肺司之其性嬌嫩故與火為仇其體屬金而畏燥故遇寒亦咳凡目白及右頰鼻孔皆其分野然肺氣之衰旺關乎壽命之短長全恃腎水充足不使虛火燠金則長保清寧之體而壽臻永固

肺有裏症亦有表症肺主皮毛故也邪在表右寸脈必浮其症為發熱為噴嚏鼻塞為咳為嗽為畏

風為胸滿痛為喉痹為鼻燥為傷暑風為中時疫
發熱者腠理閉也香蘇散主之

噴嚏鼻塞者肺竅受邪也二陳湯加蘇葉生薑
主之

咳者無痰而有聲氣為邪遏也桔梗前胡湯主
之

嗽者有聲而有痰液已化痰也止嗽散主之

喘者風寒閉塞也加味甘桔湯主之

畏風者邪在皮毛也香蘇散主之

胸滿痛者氣鬱而脹也加味甘桔湯主之

喉疼者邪化火而內熖也加味甘桔湯主之
鼻燥者邪化火而液乾也貝母瓜蒌散主之
傷暑風者惡寒頭痛而煩渴香薷飲加荊芥秦
芫主之

中時疫者初頭痛發熱漸嘔噦胸滿或脹悶譫
狂唇焦口渴先用香蘇散次則神术散又治
疫清涼散便閉加大黃

肺虛之症右寸脈必細其症為自汗為咳嗽為氣
急為咯血為肺痿為虛勞

自汗者氣虛表不固也八珍湯加黃耆北五味

麥冬主之

咳嗽者肺虛不寧也五味異功散主之

氣急者金不生水而虛火上炎也知柏八味丸

主之

咯血者陰虛動火也初用四生丸兼用生地黃

湯

肺痿者火刑金而葉焦也五痿湯加天冬百合

主之或紫菀散入參熟地百合湯亦可

虛勞者吐血而成月華丸歸脾湯六味地黃湯

並主之

肺實之症脈右寸必有力其症為氣閉為痰閉為暑閉為水閉發喘為風閉為火閉為咽痛為右脇痛為肺癰

氣閉者氣壅塞其絡而滿悶也加味甘桔湯主之

痰閉者頑痰壅塞也清膈煎主之

暑閉者暑邪中肺而煩渴也消暑丸加香薷木通主之

水閉發喘者胃經蓄水作腫而浸肺也五皮飲主之

風閉者風鬱於肺而哮喘也麻黃湯主之
火閉者火鬱於肺而喘脹也白虎湯加桑皮葶

蒹主之

咽痛者諸閉皆能作火也加味甘桔湯主之
右脇痛者肝移邪於肺也推氣散主之

肺癰者隱隱而痛吐痰腥臭也桔梗湯主之
肺寒之症外感居多脈右寸必遲其症為清涕為
咳嗽為惡寒為面色痿白

清涕者寒搏其液也二陳湯加蘇梗主之
咳嗽者金畏寒也止嗽散主之

惡寒者陰忌其類也香蘇散主之

面色痿白者寒傷正氣也六君子湯主之

肺熱之症脈右寸必數其症為目赤為鼻衄為咽
痛為吐血為咳嗽濃痰為酒積為龜胸為小便不
利為便血

目赤者火剋金也瀉白散加黃芩菊花連翹主
之

鼻衄者血熱妄行也茜根湯主之

咽痛者火逼咽道也加味甘桔湯主之

吐血者火動其血也四生散犀角地黄湯主之

咳嗽濃痰者火刑金而灼肺液也黃芩知母湯主之

酒積者鼻赤鼻蒼濕熱內蒸也黃芩清肺飲加葛花主之

龜胸者肺熱而脹也白虎湯主之

小便不利者火燥金而化源窒也黃芩清肺飲加鹽豉主之

便血者肺與大腸相表裏火迫血行也芍藥甘草湯加黃芩丹皮生地主之

肺部藥隊

補肺猛將

黃耆 人參

補肺次將

黨參 百合 沙參 燕窩 阿膠

瀉肺猛將

葶藶 麻黃 白芥子 桔梗 升麻

膽星

瀉肺次將

蘇子 牛蒡 杏仁 前胡 紫苑

涼肺猛將

桑白皮 殭蠶 竹茹 貝母 石膏 黃芩 竹瀝 馬兜鈴

山慈菇

涼肺次將

洋參 元參 山梔 花粉 天冬

溫肺猛將

地骨皮

知母

麥冬

薄荷

海石

溫肺次將

麻黃

天南星

北五味

蘇梗

款冬花

製半夏

生薑

肺部列方

桔梗前胡湯治肺氣閉塞悶咳

桔梗錢一 前胡 蘇子 赤芍 桑白皮 炙

陳皮各一錢 杏仁錢三 薑汁炒竹茹錢一

生甘草五分

加味甘桔湯 治肺鬱哮喘等症

甘草五分 桔梗 川貝 百部 白前 橘紅

旋覆花 茯苓各一錢 五分

貝母瓜蒌散 治肺熱液乾

貝母錢二 瓜蒌仁一錢 五分 膽星 黑山梔 各五分

黃芩 橘紅 炒黃連各一錢 甘草五分

知柏八味丸 滋水降火

知母 黃柏各一分 錢一 大熟地錢四 萸肉

山藥 茯苓各一分 錢一 丹皮 澤瀉各一錢

紫苑散 潤肺止咳並治肺癆

人參五分 紫苑 知母 川貝 桔梗 茯苓

阿膠錢各一 五味子 炙草各三分

人參燕窩百合湯 潤肺清金

人參一錢 沙參二錢 知無力以洋參 燕窩錢三 百合錢五

共燉爛食之

推氣散 治右脇氣痛

枳壳 鬱金各一錢 桂心 炙草各五分 桔梗

陳皮各八分 生薑二片 大棗枚二

桔梗湯 治肺癰

桔梗 白菰 橘紅 炒甜葶藶各八分 甘草

貝母各一錢五分 苡仁 金銀花各五錢

瀉白散 治肺熱

蜜炙桑白皮錢二 地骨皮錢三

茜根湯 治衄血神煩

茜根 黃芩 阿膠 側柏葉 生地各二錢

甘草錢一

犀角地黄湯

治血熱妄行及斑疹

犀角尖錢一 煎

丹皮

麥冬

白芍

各一錢五分

生地錢四

黃芩知母湯

治火嗽煩熱

黃芩 知母

桑白皮

杏仁

天花粉

山梔 川貝

桔梗

生甘草

各一錢

黃芩清肺飲

治肺熱小便不利

梔子錢二

黃芩錢一

香蘇散

止嗽散

香薷飲

神術散

八珍湯

治疫清涼散 五味異功散 生地黄湯 月華丸

六味地黄湯 消暑丸 五皮飲 麻黃湯

六君子湯 四生丸 白虎湯 以上諸方俱見前卷

歸脾湯 清膈煎 二方見心部

二陳湯 五癭湯 芍藥甘草湯 三方見肝部

腎部

足少陰屬腎

腎者天一之水。先天之本也。位北方。故黑。其體常虛。居腰左右。介其中者。有命門火。蒸化穀食。名曰真陽。腎水充足。自多誕育。享大壽。凡夙夜宣勞。耄而不倦者。皆腎氣之固也。好色之流。先竭腎水。喪其本矣。瞳神下頰。兩腰皆其部位。望氣者視之。

○腎無表症。皆屬於裏。

○腎之虛。脈左右尺常細軟。其症為頭痛。為耳鳴。為耳聾。為盜汗。為夜熱。為健忘。為咳嗽。為喘。為吐血。

為腰痛。為腿痠足軟。為目視無光。大便結為小便不禁。為戴陽。為久痢久瘧。

頭痛者。血不能充髓海也。六味地黃丸主之。

耳鳴者。血虛火旺也。六味地黃丸加牛膝知母主之。

耳聾者。虛閉也。六味地黃丸加枸杞人參石菖蒲遠志主之。

盜汗者。虛熱也。生地黃煎八珍湯加黃耆北五味並主之。

夜熱者。虛火也。四物湯加丹皮地骨青蒿主之。

健忘者心腎不交也歸脾湯十補丸主之

咳嗽者虛火燥金也六味地黃丸加白蜜胡桃

主之

喘者水虧火炎也知柏八味丸主之

吐血者血虛血熱也生地黃湯主之

腰痛者水不足也六味地黃丸加杜仲川續斷

主之

腿痠者足軟者血木營筋也十全大補湯主之

目視無光者水不足也大味地黃丸主之

大便結者血虛液枯也六味地黃丸加白蜜胡

桃主之

小便不禁者腎氣不約也十補湯主之

戴陽者陰火上升陽躁似陽躁也金匱腎氣丸

主之

久病久瘵者脾腎皆虛也王母桃主之

腎無實症

腎之寒腎之虛也脈左右尺必遲沉其症為命門
火衰為不欲食為雞鳴泄瀉為天柱骨倒為踈卧
厥冷為奔豚

命門火衰者虛象百出左歸飲右歸飲主之

不欲飲食者火力微也八味地黃丸主之

雞鳴泄瀉者腎虛也加味七神丸主之

天柱骨倒者腎脉空也右歸飲主之

膝臥厥冷者火衰也右歸飲理中湯並主之

奔豚者腎氣上衝也奔豚丸主之

腎之熱水將涸也傷寒門有之而雜症罕見左尺
右尺必沉數或浮而空舌黑無液其症為口燥咽
乾為目不明為小便不利為小便濁為小便出血
為大便秘

口燥咽乾者水涸也大承氣湯主之

目不明者目無血養也知柏八味丸主之

小便不利者水少也滋腎丸主之

小便濁者濕熱結於下焦也萆薢分清飲主之

小便出血者腎水熱也生地黄湯主之

大便秘者液涸也大承氣湯主之

腎部藥隊

補腎猛將 熟地 枸杞 淫羊藿 北五味

補腎次將 生地 巴戟天 首烏 杜仲 龜板

女貞 鱉豆皮 海參

瀉腎猛將 猪苓

瀉腎次將

澤瀉

知母

赤苓

苡仁

涼腎猛將

朴硝

元明粉

苦參

涼腎次將

生地

丹皮

知母

滑石

溫腎猛將

破故紙

鹿茸

鹿角膠

溫腎次將

山茱萸

兔絲子

大茴香

艾葉

腎部列方

生地黃煎 治陰火盜汗

生地 當歸 炙黃芪 麻黃根 浮小麥

炙草 黃連 黃芩 黃柏 水煎服

王母桃 培補脾腎

炒冬白朮 大熟地 何首烏 炒巴戟

枸杞子 各一兩 共為細末煉蜜為丸如圓眼大

每用三四丸饑時服

左歸飲 壯水之劑

熟地 錢五 山藥 枸杞 錢各二 茯苓 錢一 五分

山茱萸 棗草錢各一

右歸飲 補命門真火不足

熟地錢五

山藥

枸杞

杜仲

錢各二

山茱萸

肉桂

製附子

炙甘草

錢各一

八味地黄丸

治命門火衰

製附子

肉桂

錢各一

大熟地

錢四

山藥

萸肉

茯苓

錢各一

丹皮

澤瀉

錢各一

加味七神丸

治腎虛難鳴泄瀉

肉苁蓉

吳茱萸

廣木香

錢各一

蒸茯苓

補骨脂

鹽酒炒

車前子

錢各二

土炒白朮

四兩

大棗煎湯為丸每服三錢

滋腎丸 治下焦血熱用此滋陰化氣

黃柏

知母各二兩

肉桂錢

煉蜜為丸

六味地黃湯

八珍湯

四物湯

十全大補湯

歸脾湯

生地黃湯

金匱腎氣丸

理中湯

大承氣湯

以上諸方俱見首卷

十補丸

草薢分清飲

二方見心部

奔豚丸

見肝部

知柏八味丸

見肺部

胃部

足陽明屬腑

胃屬中土司受化穀食經云得穀者昌失穀則亡其能受與否生死係焉其性與脾同而畏木侮舌之中及牙牀并環唇口而交人中皆其分野色現黃

○胃為陽明有經有腑故有表症右關脈必浮傷寒邪入陽明經其症為目痛鼻乾唇焦漱水不欲飲若他表症為面浮腫而痛為癰疹

目痛鼻乾唇焦者邪熱作火也葛根湯主之面浮腫而痛者風也葛根湯主之

○癰疹者邪熱所化也葛根湯加牛蒡子主之
胃之虛其唇必白脈右關必軟弱其症為吐為噎
膈為不能食為胃脘痛為停滯為濕腫為痰為噎
雜

吐者土虛木侮也香砂六君子湯加柴胡主之
噎膈者胃脘乾稿也上脘槁能飲水而食難進
下脘稿食可入而久復出啟膈散主之佐以
四君子湯有鬱則逍遙散

不能食者胃氣虛而難受也六君子湯主之
胃脘痛者心悸怔忡喜按歸脾湯或四君子加

柴胡木香

停滯者土虛不化也枳朮丸主之

濕腫者土不勝濕也香砂六君子湯主之

疲者土衰濕化也六君子湯主之

嘈雜者躁擾不寧得食暫已氣促食少中虛挾

痰也五味異功散主之

胃之實脹右關必洪按胸則痛其症為結胸為痞

氣為食積為痰飲為水腫為胸脹悶為胸脹痛為

胸痛嘔脹為不得臥為便閉譫語發狂

結胸者傷寒下早邪熱結聚也大小陷胸湯主

之。

若氣者脾之積在胃脘腹大如盤和中丸加厚
枳主之。

食積者脹滿拒按也保和丸主之。

痰飲者咳則痛轉側有聲小半夏加茯苓湯主
之外臺茯苓飲尤效。

水腫者先腫後喘或腫而不喘胃經蓄水也五

皮飲主之甚則金匱腎氣丸。

胸脹悶者積滯也保和丸主之。

胸脹痛者蓄血也澤蘭湯主之。

胸痛嘔膿者胃脘癰也。不必治而自愈。

不得卧者胃不和則卧不安也。二陳湯加砂仁主之。

○ 便閉譫語發狂者胃有燥矢也。大承氣湯主之。
胃之寒唇舌必白脈右關必沉遲其症為胃脘痛。
為嘔吐為霍亂為吞酸噯腐。

胃脘痛者肢冷氣冷。蘇蘇不休。薑附湯加肉桂。
主之。如吐蛔加川椒烏梅川連焦朮川棟子。
嘔吐者食入復出也。平胃散加煨薑砂仁主之。
霍亂者寒濕傷胃也。和胃飲主之。

卷之九
二
春酸噯腐者寒不消食也香砂二陳湯主之

○胃之熱唇舌紅白其脹右關必洪數其症為三消
為嘈雜為吐衄為齒痛為黃胖面腫為自汗為舌
黑燥渴為發癰疹為便閉為呃逆為頭痛

三消者燥熱結聚也口渴清水為上消二冬湯
主之消穀易飢為中消生地八物湯主之口
渴小便如膏為下消六味地黃湯加生脈散
主之

嘈雜者煩擾不寧口燥唇焦痰火為患也二陳
湯加山梔黃連主之

吐血者胃火迫血妄行也白虎湯主之

齒痛者陽明有餘少陰不足也玉女煎主之

黃胖面腫者濕熱也和中丸主之

自汗者熱而蒸溽也抽薪飲主之

舌黑燥渴者胃火熾甚也白虎湯主之

發斑疹者火鬱而化也初用葛根湯加牛蒡子

以散之次用犀角大青湯加石膏或三黃解

毒湯甚則白虎湯調胃承氣湯

呃逆不止者胃火上衝也安胃飲主之

頭痛者頭筋扛起胃火上衝也加味升麻湯主

之

胃部藥隊

補胃猛將

白朮

黃耆

大棗

補胃次將

扁豆

山藥

炙甘草

龍圓

紅棗

瀉胃猛將

石膏

枳實

雷丸

白芥子

萊菔子

神曲

瀉胃次將

蘇梗

枳壳

蔓荊子

麥芽

涼胃猛將

石膏

犀角

涼胃次將

花粉

葛根

香薷

石斛

草薢

知母

蘆根

竹葉

溫胃猛將

乾薑

高良薑

益智仁

肉豆蔻

溫胃次將

藿香

砂仁

白蔻仁

半夏

烏藥

草果

丁香

木香

胡椒

辛夷

煨薑

厚朴

川椒

胃部列方

枳朮丸 除脹消食

炒枳實

一兩

炒白朮

二兩

大陷胸湯

服小陷胸湯不效以此治之

大黃

六錢

芒銷

四錢

甘遂

二分五厘 研沖

小陷胸湯

治胸結小腹滿痛手不可近

半夏

二錢

黃連

一錢五分

瓜蒌仁

大者一個 碎

和胃飲

治霍亂

厚朴

陳皮 各二錢

乾薑 一錢

炙草

六分

二冬湯

治上消

天冬錢二 麥冬錢三 花粉 黃芩

知母錢各一 人參 甘草各五分

生地八物湯 治中消

生地 麥冬錢各三 山藥 知母 丹皮各二錢五分

黃芩 黃連 黃柏錢各一 荷葉二錢水煎服

玉女煎 治陽明有餘少陰不足

熟地錢四 石膏 麥冬錢各三 知母 牛膝

鹽水炒各一錢五分

抽薪飲 治一切火盛

黃芩 石斛 木通 梔子 黃柏錢各二

枳壳

澤瀉

各一錢五分

甘草

三分

犀角大青湯

治胃火發癰大渴大熱或咽痛不利

犀角尖

大青

元參

甘草

升麻

黃芩

黃連

黃柏

人中黃

黑山梔

各一錢五分

或加石膏一兩同煎

三黃解毒湯

治火毒內盛

黃連

二錢

黃芩

黃柏

黑山梔

各一錢五分

安胃飲

治胃火呃逆

石斛

麥芽

各三錢

黃芩

澤瀉

山楂

各二錢

陳皮

木通

各一錢

加味升麻湯 治胃火上衝頭痛甚熾

升麻 葛根 赤芍 甘草 各一錢 石膏 二錢

薄荷 五分 加燈心二十節

葛根湯 香砂六君子湯 四君子湯 逍遙散

異功散 六君子湯 和中丸 小半夏加茯苓湯

五皮飲 金匱腎氣丸 澤蘭湯 六味地黃丸

大承氣湯 平胃散 白虎湯 調胃承氣湯 以上方見首卷

歸脾湯 薑附湯 心部方見 二陳湯 肝部方見

保和丸 香砂二陳湯 脾部方見

外臺茯苓飲 即異功散加枳實二錢生薑三片用真

膀胱部

足太陽屬腑

膀胱者州都之官津液藏焉氣化則能出矣然腎氣足則化腎氣不足則不化入氣不化則水歸大腸而為泄瀉出氣不化則閉塞下焦而為癰腫小便之利膀胱主之實腎氣主之也傷寒傳經之邪每自膀胱入一見太陽頭痛等症即宜發散不使邪氣入為諸經害則膀胱為第一關隘矣

○膀胱為太陽腑有表症左尺脈必浮其症為頭痛為項脊痛為身痛四肢拘急為發熱為惡寒無汗

為喘嗽

頭痛者、頭腦痛而連頸脊也。加味香蘇散主之。
甚者加羌活、蔥白。

項脊強者、太陽經所過之地也。香蘇散主之。
身痛四肢拘急者、風傷衛、寒傷營。主收引也。

桂枝湯主之。

發熱者、腠理閉塞也。香蘇散主之。

惡寒無汗者、寒乘表也。麻黃湯主之。

喘嗽者、寒邪客於皮毛、肺氣不得升降也。麻黃
湯主之。輕者止嗽散。

○膀胱之虛腎氣不化也脈左尺必細沉其症為小便不禁為勞淋為老淋

小便不禁者氣虛不能統攝也十補湯主之
勞淋者勞力辛苦氣虛不化也補中益氣湯主之

老淋者老人思色精不出而內敗大小便牽痛
如淋宜萆薢分清飲去黃柏加兔絲子遠志
以去其精再服六味地黃丸

○膀胱之實脈左尺必洪大其症為氣淋為血淋為
關格為膀胱氣

氣淋者氣滯水道阻塞

脹痛也假蘇散主

之

血淋者蓄瘀莖中割痛難忍也生地四物湯加

紅花桃仁花蕊石主之

關格者溺閉而吐逆也假蘇散主之

膀胱氣者一名胞痺氣結膀胱小腹熱澹於小

便也橘核丸主之

膀胱之寒左尺必沉遲其症為冷淋

冷淋者寒氣堅閉水道肢冷喜熱也金匱腎氣

丸主之

膀胱之熱左尺必數其症為小便不通為膏淋為石淋為便膿血為發狂

小便不通者渴則熱在上焦四苓散加山梔黃芩不渴則熱在下焦滋腎丸主之

膏淋者液滴如膏也萆薢分清飲主之

石淋者下如沙石也益元散加琥珀主之

便膿血者心氣遺熱於膀胱也阿膠散主之

發狂者傷寒熱結膀胱下焦蓄血小腹硬滿也

調胃承氣湯主之

膀胱部脈

補膀胱藥即補腎之藥腎氣化則小便自行

瀉膀胱猛將 羌活 麻黃 防己 木通 葶藶

猪苓

瀉膀胱次將 獨活 防風 蒲黃 川棟子

前胡 藥本 澤瀉 慈

涼膀胱猛將 甘遂 龍膽草

涼膀胱次將 車前子 茵陳 海金沙 川黃柏

溫膀胱猛將 吳茱萸

溫膀胱次將 烏藥 茴香

膀胱部列方

假蘇散 治氣淋

荊芥 陳皮

香附 炒麥芽 瞿麥 木通

赤苓 各二錢

生地 四物湯 治血淋

生地 三錢 歸身 赤芍 各一錢五分 川芎 一錢

香蘇散 桂枝湯 麻黃湯 止嗽散 益元散

補中益氣湯 六味地黃丸 金匱腎氣丸

調胃承氣湯 以上諸方俱見首卷

十補丸 葶藶分清飲 阿膠散 三方見心部

橘核丸 見肝部

四苓散 見脾部

滋腎丸 見腎部

膽部

足少陽屬膽

膽者清虛之府居半表半裏之交與肝為表裏氣血足則膽氣壯氣血虛則膽氣怯膽受邪即陰陽交戰而寒熱往來故瘧症之來不一而總不離乎少陽也然其擔事之力猶中正之官不偏不倚決斷出焉膽有表症左關脈必浮而弦其症為頭汗為寒熱往來

頭汗者寒邪將化火也小柴胡湯加丹皮主之寒熱往來者陰陽相爭也小柴胡湯主之

○膽之虛左關脈必細軟其症為驚悸為太息
驚悸者心血不足以壯之也安神定志丸主之
太息者氣虛也四君子湯主之

○膽之實左關脈必洪其症為胸滿為脇痛為耳聾
胸滿者邪氣結聚也小柴胡湯加枳殼桔梗主
之

脇痛者邪入膽經布之脇下也小柴胡湯加山
梔枳殼主之

耳聾者氣火上衝而閉也逍遙散加蔓荊石菖
蒲香附主之或小柴胡湯

膽之寒脈左關必遲其症為精滑為嘔吐為舌胎滑

精滑者肢腫食少心虛煩悶坐卧不安溫膽湯主之

嘔吐者邪正相爭也小柴胡湯加藿香主之
舌苔滑者邪未化火也二陳湯主之

○膽之熱脈左關必弦數其症為口苦為嘔吐為盜汗為目眩

口苦者熱在膽膽汁泄也小柴胡湯主之
嘔吐者膽移熱於胃也小柴胡湯加薑炒竹茹

主之

盜汗者熱開腠理也小柴胡湯加丹皮主之
目眩者膽附於肝肝竅在目熱故眩也小柴胡
湯加山梔主之

膽部藥隊

補膽猛將 烏梅

補膽次將 棗仁

瀉膽猛將 桔梗 青皮

瀉膽次將 柴胡 香附 秦艽 川芎

涼膽猛將 龍膽草

涼膽次將

青蒿

槐實

溫膽猛將

肉桂

細辛

溫膽次將

山茱萸

膽部別方

溫膽湯 治膽氣虛寒夢遺精滑等症

製半夏一錢五分 枳實八分 陳皮 茯苓各一錢五分

人參一錢 熟地 炒棗仁各三錢 遠志一錢

五味子一錢 炙甘草五分 生薑三片 棗一枚

小柴胡湯 四君子湯 逍遙散三方見首卷

安神定志丸見心部

二陳湯見肝部

大腸部

手陽明屬腑

大腸者腎陰之竅傳道之官受事於脾胃而與肺金相表裏故肺氣虛則腸若墜而氣為之陷腸液少則肺亦燥而鼻為之乾其呼吸甚密邇也然腸口上接小腸下通穀道為諸臟泄氣之門啟閉一失職而諸臟困矣

○大腸無表症皆屬於裏

○大腸虛者氣虛也脈右尺必沉弱其症為久痢為脫肛

久痢者氣血不足也歸脾湯十全大補湯補中
益氣湯加烏梅均可

脫肛者氣虛下陷也補中益氣湯加荷葉主之
○大腸實者胃實移熱也脈右尺必洪實其症為便
閉為臟毒為燥渴譫語發狂為腸癰

便閉者實火閉也小承氣湯主之

臟毒者腸胃不清下如魚腸如豆汁也芍藥甘
草湯主之

燥渴譫語發狂者燥屎不出也小承氣湯主之
腸癰者當臍而痛溺數如淋千金牡丹皮散主

之

○大腸寒者積冷也脈右尺必沉遲其症為久痢為便血

久痢者腹絛絛痛寒積在臟也鴉膽子包粉團吞之

便血者肢冷喜熱寒在腸也附子理中湯加歸芍主之

○大腸熱者肺經移熱居多脈右尺必數其症為便血為腸風為脫肛

便血者口燥唇焦熱在腸也芍藥甘草湯加黃

三二
芩丹皮生地

腸風者臟腑有熱風邪乘之故下血而腹不痛
清魂散主之

脫肛者腸有火則脫出難收腫而痛也三黃解
毒湯加知母荷葉主之

大腸部藥隊

補大腸猛將

淫羊藿

栗壳

補大腸次將

訶子肉

百合

瀉大腸猛將

大黃

桃仁

雷丸

麻仁

升麻

紫草

瀉大腸次將

秦艽

旋覆花

郁李仁

杏仁

大腹皮

白芷

梨汁

涼大腸猛將

黃芩

黃柏

涼大腸次將

地榆

槐實

知母

連翹

溫大腸猛將

胡椒

破故紙

枸杞

溫大腸次將

當歸

大腸部列方

千金牡丹皮散 治腸癰

丹皮

苡仁

各五錢

瓜蒌仁

一錢五分

桃仁

十二粒研

水煎服

如大便閉加大黃錢半當歸三錢

鴉膽子方

治久痢寒積在腸

用鴉膽子一個蒸透將米粉包作團子蒸熟

以開水團圖吞下空心服

清魂散

治腸風下鮮血而腹不痛者

荆芥

炒黑三錢

當歸

五錢

十全大補湯

補中益氣湯

附子理中湯

小承氣湯

以上諸方俱見首卷

歸脾湯見心部

芍藥甘草湯見肝部

三黃解毒湯見胃部

小腸部

手太陽屬腑

小腸者受盛之官化物出焉其上口即胃下水穀由此而入其下口即大腸上口此處泌別清濁俾水液注入膀胱滓穢流入大腸是腑中之有鑒別者故與心相表裏脈附於膀胱而在左尺

小腸無衰症皆屬於裏

小腸虛左尺脈必細軟其症為溺赤短為腰痛

溺赤短者水不勝火也生地黄湯主之

腰痛者水不足也六味地黄丸主之

小腸實左尺脈必洪弦其症為小腸氣為交腸

小腸氣者氣滯下焦臍下轉痛失氣則快也橘核
丸主之

交腸者陰陽搏逆大小腸交也五苓散主之

小腸寒左尺脈必遲其症為咳嗽失氣

咳嗽失氣者小腸嗽也止嗽散加芍藥主之

小腸熱左尺脈必數其症為溺瀝溺短

溺瀝溺短者熱濕壅滯也導赤散主之

小腸部藥隊

補小腸將 生地

瀉小腸猛將

木通

瀉小腸次將

瞿麥

海金沙

川棟子

苡仁

赤芍

赤茯苓

燈草

小腸部列方

生地黄湯 六味地黄丸

五苓散

止嗽散俱見卷

導赤散見心部

橘核丸見肝部

三焦部

手少陽屬腑

三焦者人生三元之氣、臟腑空處是也。上焦心肺居之中焦脾胃居之下焦肝腎膀胱大小腸居之。其氣總領臟腑管衛經絡內外左右上下之氣。三焦通則竟體調和。斯其職已。

○三焦之病、屬於臟腑、並無另立病名。

三焦部藥隊

補三焦猛將 活羊藿 黃芪

瀉三焦猛將 青皮 木香

瀉三焦次將

柴胡

香附

溫三焦次將

烏藥

白芫荑

胡桃

涼三焦次將

山梔

麥冬

黃柏

地骨

青蒿

連翹

心包絡部

手厥陰屬腑

心包絡者即膻中與心相附居膈上代君行事臣使之官喜樂出焉其見證有手中熱心中大熱面黃目赤心中動諸端而要之包絡之病即心部之病也言心不必更言包絡矣